



OUERGIDS 2025

Welkom by Rainbow Kids Speelskool. Hierdie dokument verskaf riglyne en inligting oor ons skool se beleid en algemene inligting.

VISIE EN MISSIE

Rainbow Kids Speelskool is daartoe verbind om 'n program te verskaf wat fokus op die ontwikkeling van jong kinders deur verrykende leerervarings te skep deur ontdekking en praktiese aktiwiteite. Ons omvattende kurrikulum en opgeleide personeel bevorder innoverende leer deur spel.

Rainbow Kids glo kinders word nuuskierig en leergierig gebore! As opvoeders is dit ons verantwoordelikheid om leer aan te moedig deur aan kinders geleenthede te bied wat hulle in staat sal stel om hul eie betekenis vir die wêreld rondom hulle te skep. Ons glo dat dit nie net belangrik is vir kinders om die basiese vaardighede wat die grondslag vir toekomstige leer sal wees te ontwikkel nie, maar ook dat hulle liefdevolle versorging benodig. By Rainbow Kids streef ons daarna om uitsonderlike sorg in 'n veilige, koesterende omgewing te bied, 'n verrykende leerervaring vir elke kind te skep en deernisvolle, gekwalifiseerde personeel aan te stel om na u kind om te sien.

Rainbow Kids het ten doel dat ons kinders:

- Aktiewe en betrokke leerders sal wees.
- Veilig sal voel wanneer hul ouers vertrek.
- Positiewe verhoudings, selfvertroue en onafhanklikheid sal ontwikkel.
- Kulturele diversiteit sal waardeer en respekteer.
- Pret sal hê terwyl hy/sy leer!

Ons volg 'n oopdeurbeleid. Ouers is welkom om die onderwysers en kinders te besoek op 'n tyd wat nie die klas of daaglikse program sal ontwrig nie.

TOELATINGSBELEID

Die voltooid en getekende aansoekvorm, tesame met alle ondersteunende dokumente, moet by die skool ingedien word.

'n Registrasiefooi van R500 is betaalbaar met indiening van die vorm. Dit is 'n eenmalige, nie-terugbetaalbare fooi.

Aansoekvorms kan by die skool afgehaal word of van ons webwerf: www.rainbowkidspaarl.co.za afgelaai word. Kontak ons gerus om 'n afspraak te maak om ons skool te besigtig. Ons kontakbesonderhede is:

Telefoon: 076 525 7226

E-pos: admin@rainbowkidspaarl.co.za.

SKOOLURE

Ons bied halfdag- en voldagsorg aan:

- Halfdagsorg: 07:00 – 13:00 (middagete ingesluit)
- Voldagsorg: 07:00 – 17:30

Aflaaityd is tussen 07:00 en 08:00. Ons het soggens 'n "drop and go"-stelsel in plek om te help met parkering en verkeersvloei in die area.

SKOOL- EN OPENBARE VAKANSIEDAE

Ons is op alle openbare vakansiedae gesluit. Ons is elke skoolvakansie oop, behalwe in Desember/Januarie wanneer ons vir 'n kort tydperk sluit. Die datums sal vroegtydig aan u gekommunikeer word.

SKOOLFOOIE EN BETALINGS

KLEUTERS (1-5 JAAR) 2025	
5 Voldae	R4 600
5 Halfdae	R4 050
4 Voldae	R3 760
4 Halfdae	R3 300

BABAS (3 MAANDE - 1 JAAR) 2025	
5 Voldae	R4 950
5 Halfdae	R4 270
4 Voldae	R4 060
4 Halfdae	R3 630

- Skoolfooie is oor 12 maande van die betrokke jaar vooruitbetaalbaar.
- U sal nie 'n rekening ontvang nie - die bedrag is voor of op die 5de van elke maand betaalbaar.
- Kinderkinetika is vir ALLE kinders by die skoolfooie ingesluit.
- Geen afslag sal gegee word indien 'n kind afwesig is weens siekte of vakansiereëlins nie.
- Een volle kalendermaand se skriftelike kennisgewing word vereis indien u u kind aan die skool wil onttrek.
- Geen kennis kan vir die laaste kwartaal gegee word nie. Indien kennis vir Oktober of November gegee word, sal die rekeninghouer aanspreeklik wees vir die volle kwartaal se fooie tot einde Desember. GEEN uitsonderings sal gemaak word nie!
- 'n Opvoedkundige ontwikkelingsfooi van R300 is betaalbaar vir alle kinders vir 2024. Dié fooi is ook 'n jaarlikse eenmalige, nie-terugbetaalbare fooi.

BANKBESONDERHEDE:

Naam van rekening: Rainbow Kids Playschool

Bank: Capitec Business

Tipe rekening: Transaksionele rekening

Rekeningnommer: 1051556058

Verwysing: "jou kind se naam en van"

KOMMUNIKASIE

U sal maandeliks 'n digitale nuusbrieff via die klas WhatsApp-groep ontvang. Ander kommunikasie sal ook via die betrokke WhatsApp-groepe geskied. Slegs skoolverwante sake behoort op die WhatsApp-groepe geplaas te word.

Indien u iets met die onderwyser wil bespreek, kontak haar asseblief direk en nie op die klasgroep nie.

Sluit gerus aan by ons Rainbow Kids Paarl Facebook- en Instagram-rekeninge. Gereelde plasinge van ons skoolaktiwiteite sal daarop verskyn. "Like" en deel asseblief ons plasinge.

OP- EN AFLAAI

Weens verkeer- en parkeerprobleme in spitstye doen ons soggens net 'n "drop and go". Een van die onderwysers of klasassistentente sal u kind na sy/haar klas vergesel. Beperk asseblief u parkeertyd, veral die area voor die skool (in Zeederberg straat) en die aflaaiehek (in Theron straat). Aflaaityd is tussen 07:00 en 08:00.

Wanneer u u kind smiddae kom haal, lui asseblief die klokkie by óf die hoofingang in Zeederberg straat, óf by die hek in Theron straat. Die hek sal elektronies oopgemaak word. Maak asseblief seker dat die hek behoorlik toe is. U word toegelaat om u kind by sy/haar klas te gaan haal.

As iemand anders u kind by die skool kom haal, moet u die klasonderwyser vooraf daarvan in kennis stel, deur óf die skool te skakel, óf per WhatsApp.

DIE EERSTE SKOOLDAG

Kinders reageer verskillend op nuwe ervarings. Totdat hulle by hul nuwe skoolomgewing aangepas is, is dit nie ongewoon dat 'n kind huil wanneer hy/sy afgelaai word nie. Wees verseker dat u kleinding vertrous sal word totdat hy/sy veilig voel.

Ons stel voor dat u voor die eerste dag sy/haar nuwe roetine met u kind bespreek. Om vir hom/haar te sê wat om te verwag, help om angs te verlig. Dit kan 'n week of twee neem vir hom/haar om in sy/haar nuwe omgewing gemaklik te voel.

KLERE EN WAT OM IN TE PAK VIR SKOOL

MERK ASSEBLIEF ALLE KLERE, BOTTELS EN SAKKE MET U KIND SE NAAM

Trek asseblief vir u kind ouer klere aan, want morsige aktiwiteite is uiters belangrik vir ontwikkeling.

- Kosblik vir 10:00 met peuselhappie
- Water of sap (GEEN gaskoeldrank nie)
- Stel skoon klere en onderklere

Moet asseblief geen lekkers van Maandag tot Donderdag in die kosblik skool toe stuur nie. Vrydag is bederfdag, en 'n lekker of sjokolade sal toegelaat word. *Om gesond te eet is 'n leefstyl, nie 'n dieet nie.* Ons streef daarna om kinders van 'n baie jong ouderdom gesonde eetgewoontes te leer. 'n Dokument met voorstelle vir gesonde peuselhappies vir kosblikke kan op versoek per e-pos aan u gestuur word.

Ons het 'n streng GEEN-speelgoed-beleid. Speelgoed breek, raak weg en veroorsaak konflik. Moet asseblief geen speelgoed skool toe stuur nie, behalwe as dit 'n troosmiddel is om mee te slaap. Ons aanvaar geen verantwoordelikheid vir verlore, stukkende of vermiste speelgoed nie.

MAALTYE

Ontbyt en middagete word daaglik op die perseel voorberei. Die spyskaart sal op 'n Maandag vir die week verskaf word. Geen kind sal toegelaat word om ontbyt of middagete van die huis af by die skool te eet nie. Dit sal slegs om mediese redes toegelaat word. Smiddae sal 'n versnapering voorsien word.

DAAGLIKSE PROGRAMME

Elke klas het hul eie daaglikse roetine om by die ouderdom van die kinders te pas. Die daaglikse roetine sal tydens die eerste ouervergadering van die jaar bespreek en uitgedeel word.

VERJAARSDAE

Verjaarsdae is baie spesiaal en daarom moedig ons u aan om dit by die skool te vier. Dit is nie verpligtend nie. U is welkom om 'n verjaarsdagkoek/kolwyntjies te stuur. Indien u sou verkies om partytjiekakies te voorsien, wees asseblief versigtig om nie lekkers wat 'n verstikkingsrisiko inhou, in te sit nie. Geen kougom (byvoorbeeld Pin Pop suigstokkies) nie asseblief.

GESONDHEIDSBELEID

SIEKTES

Kinders met 'n hoë koors of aansteeklike siektes mag nie skool bywoon nie. Ons wil die verspreiding van siektes onder kinders en personeel voorkom. Kinders kan terugkeer skool toe met 'n bevestigende mediese sertifikaat of nadat hulle 24 uur lank geen koors sonder medikasie gehad het nie.

Indien 'n kind siek of beseer word by die skool, sal ouers dadelik in kennis gestel word en versoek word om die kind so gou moontlik te kom haal. **HUIDIGE KONTAKINLIGTING IS DUS BAIE BELANGRIK.**

MEDIKASIE

Slegs voorskryfmedikasie sal by die skool toegedien word.

BUITEMUURSE AKTIWITEITE:

Aktiwiteite wat vir die jaar by die skool aangebied word, word deur die aantal inskrywings bepaal. Aktiwiteite vind gedurende skoolure plaas. Gedurende die eerste 2 weke van kwartaal I sal alle buitemuurse aktiwiteite by die skool gedemonstreer word. Alle kinders sal aan hierdie demonstrasielesse deelneem. Ná die demonstrasielesse kan u besluit vir watter aktiwiteite u u kind wil inskryf. U sal 'n rooster van die buitemuurse aktiwiteite ontvang.

Foosie vir bogenoemde is ekstra en moet direk aan die persoon verantwoordelik vir die spesifieke aktiwiteit gemaak word.

Kinderkinetika	Alle ouderdomme (by foosie ingesluit)
Rugga Roots	3 - 5-jariges
Gimnastiek	3 - 5-jariges
Ballet	3 - 5-jariges
Netbal	3 - 5-jariges
Krieket	3 - 5-jariges
Karate	3 - 5-jariges
Leesprogram	Slegs 5-jariges

Ronel Grobbelaar - Skoolhoof



076 525 7226



admin@rainbowkidspaarl.co.za



www.rainbowkidspaarl.co.za



Find us on:
facebook®

Rainbow Kids Paarl



Rainbow_Kids_Paarl